

光緒順天府志

人物志十一

光緒順天府志一百一

先賢十一

黃岡洪良品纂江陰繆荃孫覆輯

國朝

劉獻廷

牛鍾

王文雄

井煜

黃叔琳

弟叔璩子登賢

崔恂

馬侗

賈鉉

子彭植子慶植

高元愷

王澤博

張楨

朱一鳳

陳謨

吳履中

郎大乾

何國宗

陳儀

史全義

張化光

紀達宜

陳浩

劉佐

張肱

陳瑞

劉順

杜通文

鍾琬

子光豫

金 鎔

艾子誠

劉文燦

孫錫信

何 琇

國朝

劉獻廷字君賢號繼莊大興人

幾輔詩傳十六

先世本吳人以官太醫遂

家順天獻廷復寓吳中其學主於經世自象緯律厯邊塞關要財賦軍政之屬旁及岐黃釋老家言無不窮究崑山徐尙書乾學好士多藏書大江南北宿老爭赴之獻廷遊其間別有心得萬徵君斯同於書無所不讀獨心折獻廷引參明史館事顧祖禹黃儀長於輿地亦引獻廷參一統志事獻廷謂諸公考古有餘而未切實用其論向來方輿書大抵詳於人事而天地之故概未有聞當於疆域前別添數則先以諸方之北極出地爲主定簡平儀之度別爲正切線表而節氣之後先日蝕之分秒五星之陵犯占驗皆可

推矣諸方七十二候各各不同如嶺南之梅十月已開桃李二月已開而吳下梅開於驚蟄桃李開於清明相去若此之殊今世所傳七十二候本諸月令乃七國時中原之氣候今之中原已與七國時不合則厯差爲之今於南北諸方細考其氣候取其核者詳載之爲一則則天地相應之變可以求其微矣燕京吳下水皆東南流故必東南風而後雨衡湘水皆北流故必北風而後雨山水之向背分合皆當按籍而列之而風土之剛柔暨陰陽燥濕之微可次第求矣諸方有土音又有俚言蓋五行氣運所宜之不同各謂之爲一則合之土產則諸方人民性情風俗之微皆可推而見矣其論水利謂西北乃二帝三王之舊都二千餘年未聞仰給於東南何則溝洫通而水利修也自石劉雲擾以訖金元人皆草草偷生不暇遠慮相習成風不知水利爲何事故西北非無水也有

水而不能用也不爲民利而爲民害旱則赤地千里潦則漂沒民居無地可瀦無道可行人固無如水何水亦無如人何虞學士始奮然言之郭太史始毅然行之未幾竟廢三百年無過問者有聖人出經理天下必自西北水利始西北水利莫詳於水經酈注雖時移勢易十猶可得六七酈氏略於東南人以此少之不知水道之當詳正在西北擬取列史中關於水利農田戰守者各詳考其所以附以諸家之說以爲之疏俾施行者有所考鏡又言聖王之治天下自宗法始無宗法天下不可得治宜特爲一書以發明之又謂綱目非紫陽親筆故多迂而不切而闕繫甚重者反遺之當別作紀年一書獻廷所欲著述多未成其徒黃景夏裒輯其所見者爲廣陽雜記其書述大兵征俄羅斯及王輔臣叛平涼文俱可喜生平自謂於聲音之道別有所窺足窮造化之奧嘗作新韻譜

自華嚴字母悟入而參之以天竺陀羅尼泰西蠟頂話小西天梵書暨天方蒙古女真等音又證以遼人林益長之說而益自信同時吳修齡自謂蒼頡以後一人獻廷則曰是其於天竺以下書皆未得通而但略見華嚴之旨者也獻廷之法先立鼻音二以鼻音爲韻本次定喉音四爲諸韻之宗以喉音互相合凡得音十七喉音與鼻音互相合凡得音十又以有餘不盡者三合之凡得音五共三十二音爲韻父而韻厯三十二音爲韻母橫轉各有五子萬有不齊之聲攝於此矣嘗欲譜四方土音以窮宇宙元音之變乃取新韻譜爲主而以四方土音填之逢人皆可印證蓋是書多得之大荒以外囊括浩博學者或驟見而未能通也與梁份王源友所嚴事者曰梁溪顧培衡陽王夫之而尤心服者曰南昌彭士望與萬斯同同在尙書邸第斯同好終日危坐獻廷好遊或兼旬不

返各以館脯所入鈔史館秘書連蕙接架尙書旣去官獻廷亦返
吳邀斯同共歸曰與我共成所欲著之書乎斯同諾之而不果未

久獻廷亦卒

全祖望劉繼莊傳

所著書亦散佚廣陽雜記獨存

錢輔詩傳十六

牛鍾字金臣寶坻人三歲失怙母撫之稍長至性過人每念母氏
劬勞益自感奮中康熙二十年武舉人母故賢喜行善事鍾能先
意承志得其歡母沒廬墓三年中夜念及則噉然而哭親朋來唁
輒悲咽不能出聲邑人將以孝請旌鍾頓首固謝之王盤峯曾有
詩曰匍匐救顛危殷勤敦舊故立身若太山輕動恐有誤慈訓何
諄諄多君憶朝暮事死如事生六十猶孺慕蓋實錄也

寶坻洪志

王文雄大興人康熙二十二年由行伍隨提督施琅剿海賊鄭克
塽于臺灣僞侯劉國軒率賊二萬餘踞澎湖文雄隨遊擊藍理由
銅山進攻衝鋒奮擊連敗賊兵叙功加左都督銜二十九年大軍

征噶爾丹詔綠旗候缺有職銜人員赴軍前効力文雄隸火器營
敗賊于烏蘭布通符

旨錄用部議以遊擊候補尋授張家口遊擊三十五年

上親征噶爾丹文雄隨軍至拖諾山遷張家口副將三十八年調
江南督標中軍副將四十二年擢登州總兵四十三年八月疏言
東省沿海二千餘里自開海禁以來商民舟楫往來奸宄不無覬
覷登州坐臨大海控禦尤要向來水師無船額設兵僅三百八十
六名請增至一千二百於所屬各官抽調足數酌撥鎮江松江狼
山崇明等處趕繒船二十備用改設遊擊一守備一千總四把總
六操演水師防汎巡島商民均有裨益下部議行四十六年

上南巡回鑾文雄扈從至臨清

賜孔雀翎并

御書輯和東土扁額四十八年擢貴州提督先是提督李芳述疏言黎平一協孤懸邊徼最易藏奸距省寫遠呼應不及請以黎平府割歸湖南改協爲鎮部議令二省督撫提督會議僉以地畝錢糧分省已久應仍舊制文雄言黎平一隅界連粵西邊徼逼近九股生苗所轄西山一汛尤爲緊要應專設一營增守備一千總一把總二移兵三百名駐防彈壓仍歸黎平副將管轄又黎平至省必經湖南之天柱靖州往返四五十日若由所屬之湖耳司經天柱縣及五寨卽抵鎮遠祇十餘日宜安設塘汛以便往來文移與巡撫劉蔭樞會疏以聞下部議從之五十年八月疏言安龍鎮所轄之黃草壩接連滇粵逼近三江去普利州二百餘里必須大員駐守原係安龍鎮左營汛地以左營遊擊一千總一把總二兵三百名駐防庶足控扼要隘其右營遊擊之分汛新城者撤回鎮標

操防又安龍一鎮深處萬山之中與滇屬之羅平廣南粵屬之西
隆泗城接壤去石門坎二十里卽鄰粵西煙瘴之地實爲貴州要
區請照威甯大定等處事例遇武職缺出達人地相宜之員題補
以收得人之效得

旨俞允五十一年調廣東提督尋以流匪陳四等沿途搶奪經由
貴州與巡撫劉蔭樞同議降四級調用得

旨從寬留任五十二年五月疏言廣州府番禺縣之市橋人煙輻
輳兼有附近之石碁等處奸民相濟爲匪漁船而外私造花魚奶
船一船可容四五十人出海截劫商民如此要區旣無文員駐劄
僅有千總一員兵三十四名不足資防守又歸善縣屬之飯籬岡
一汛濱臨大海密邇外洋土著之民無幾多聚無籍之徒日有漁
船四五百出入澳口雖有水汛把總一員兵六十六名遠駐稔山

相隔數里未免鞭長莫及請撥虎門協都司千把總各一員兵三百駐守市橋內外千總一員兵百名分防石碁互巡外海內河並移沙灣巡檢同駐市橋以廣州協大龍汛把總及兵六十名移駐石碁以平山汛守備及兵百名移駐飯籬岡又移平海營稔山水汛把總及兵船駐海口以文官稽核甲保漁船以武官盤詰海口奸匪水陸交嚴庶可戢奸弭盜部議從之五十六年六月疏言海洋商船准帶軍器原爲禦賊之計但商船被劫從未聞與賊相拒所帶軍器不特不能禦賊翻以資賊請嗣後沿海各省商船出洋貿易不許攜帶鎗炮等軍器其原有者盡繳入官事下九卿核議器械爲防禦之具不宜概行禁止應照前閩浙總督金世榮奏礮不得過二位槍不得過八桿腰刀片刀不得過十五得

旨令閩浙總督滿保等公同定議如文雄所請是年十月疏言參

將裴鯁緝獲三盜於海陽縣官避處分妄行搶奪巡撫法海疏言
擒賊負係縣役營將奪賊捏功詔總督楊琳核奏仍下部議以文
雄平時不能禁戢盜賊又思脫罪粉飾陳奏應革職得

旨王文雄屢著戰功著自備鞍馬赴進藏軍營効力時其子廷梅
官侍衛奉使軍營文雄因偕行尋以疾還京雍正元年卒年六十

二乾隆八年祀山東名宦

漢名
臣傳

井焜字季韞別號虞章文安人築山房讀書其中劉眉平署之以
白衣乃又號曰白衣山人也好讀書多識古文奇字爲諸生博極
載籍通十三經注疏補注文選諸賦發昔人所未逮康熙二十三
年舉人出襄陽汪口口門汪亦熹廟時瑄人所指爲門戶人蓋端
人也於是焜問學之功益得所趨向謁選傳青主白授蕪湖令黃
琳青溪先生傳時蕪湖有九江警焜協守將先計折衝之蕪湖人以爲才

丁內艱服闋補浙藩照磨

又安楊志

再授湖北竹溪慕陶靖節之為人

青溪先生井在傳

以病辭歸白下益肆力著述己亥北歸再理蕪園編輯

殘籍庠研編削年七十四卒

白衣山人傳

有家乘遺詩文十卷示兒詰

六卷古文奇字一卷袖中簡一卷縣志二十卷縣爲九河下流苦

水患故志獨詳於河渠幽貞賦一卷幽貞達旨一卷焜早師桐城

左光斗而友大興史可法高陽孫承宗容城孫鍾元諸先生歿後

錫山許子韶爲作神圖圖歷歷爲所謂曰方塘曰松林曰止亭曰

野客巖曰寒香院曰菜畦曰藥圃曰白衣山房曰鑿坯隱曰靜寄

軒者既用小李法金碧丹青復以細字歷書焜諸小記不雕不野

按圖讀之樸奧簡雋髣髴如在焉

文安楊志

黃叔琳字崑圃大興人本安徽歙縣程氏子也祖伯起

先正事略十字

瑞芝順治初嘗攝郿縣篆既罷任流寓京師後素逋西遊爲盜所

害陳光崙黃公墓誌銘父華蕃先正事略字潤采生甫髫而家難起養於繼母舅

黃爾悟遂後黃氏墓誌銘桑先正事略云祖伯起與僚壻大興

今從墓誌叔琳有神童稱墓誌年二十以康熙三十年一甲三名進士

授編修益自淬礪與衛檢討既齊討論宋人語錄恂恂然有醇儒

風見者不覺其為少年甲第也遷侍講督學山東先正事略毅然以興

賢育才為己任修三賢祠於泰山之麓奉胡安定孫明復石租徠

俾學者知所景從北學編四又與白雪松林兩書院延師儒選才傳所

造士多窮經致用之英翕然稱盛先正事略遷鴻臚寺少卿留學政任

漢名臣傳除通政司參議僉都御史太常寺卿六十一年遷內閣學士

尋遷刑部右侍郎先正事略雍正元年充江南鄉試正考官調吏部侍

郎九月

命偕兩淮鹽政謝賜履赴湖廣同總督楊宗仁酌定鹽價革除陋

規

漢名臣傳

商民勒石紀事三年授浙江巡撫

先正事略

奏言各部書吏紹

興人冒籍順天已定議改正現任浙江首領佐雜及在部候選候

補之員掣得浙省缺及各省俸滿升補浙省者籍開順天直隸如

實係原籍浙江均請咨部改補從之時御史錢廷獻請濬浙江東

西湖蓄水灌田會叔琳會同總督滿保勘議奏言仁和錢塘海甯

三縣田數萬頃全藉省城上下兩塘河水灌溉自開廢土淤民佔

爲田埂內植桑柏蕩內栽荷蓄魚利甚微而所損三縣田畝逾鉅

萬

漢名臣傳

請照西湖舊址清出歸湖去其梗塞開通水源所屬官塘

運河支港壩堰斗門俱一律疏濬以興水利浙民便之

先正事略

杭州旁邑多里巷豪猾把持鄉里慢侮籍紳善爲飛語巧中官莫能制

叔琳銳意欲除之取其魁十許人杖而械之通衢用示媿創就中

有病死者一人而適與叔琳姻眷同里遂以疑似被劾落職隱勘

謫海塘工次効力閱六七年事漸白放歸乾隆元年遷龍授山東

按察使明年遷布政使先正四年丁憂七年服闋授詹事以山東

布政司任內誤揭屬員諱盜革任漢名晚以詹事加侍郎銜家居

墓誌嘗手一編以至毫釐不廢北學性好著書隨時與所善商榷

校藏書萬卷日事披覽有得輒筆記之其好學如此墓誌生平著

述有硯北易鈔詩經統說夏小正傳註史通訓故補註文心雕龍

輯註紅豆樹節硯北雜錄諸書尤負人倫鑒以造就人才扶植類為

己任嘗曰善人國之紀也吾樂與善人交此吾所以報國也湖海文傳

三所賞拔如萊州守嚴有禧長清令劉輝祖皆以循良遷秩而分

校禮闈主試江南所拔取者先正儒林文苑名臣多出其中若潘

敏惠思梨胡恪靖寶琮陳司業祖范任宗丞啓運張詹事鵬翀徐

檢討文靖其尤著者初新城王文簡士禎詩文為海內宗師叔琳

弱冠登進士實出其門一脈相承遠有代序

湖海文傳

平生接引後進

孜孜若不及

墓誌銘

人有一長掄場無須識面

隨園詩話四

四方寒峻持

行卷來謁者雖一篇一句之工必加獎賞

湖海文傳

方苞為諸生時來

謁一見稱莫逆交凡所著周禮春秋之學皆與叔琳往復指畫

紅豆

樹節詩話竊嘗論

本朝以文章致位通顯者多矣至於主持騷雅宏獎風流為海內

所共推者則前有新城後有北平云

湖海文傳

叔琳再起年六十有五

母垂九十矣雍正中

帝嘗撤御座木瓜盛以青龍瓷盤漬以薇露而諭曰供母間香又

御書德門壽母四大字榜以賜所謂德壽堂者以是得名

墓誌銘

乾

隆十六年重賦恩榮宴卒八十有五

紅豆樹館詩話

弟叔璫叔琬己酉進

士官太僕卿叔琪舉人官甯國知府皆有賢聲子登賢

先正事略

叔璈字玉圃康熙三十四年進士由太常博士遷戶部雲南司主事調吏部文選司遷稽勳司員外郎再調文選以薦擢湖廣道御史巡視東城北學編時王公貴人多以追私逋相屬且日務親洽叔璈正告同列曰御史非王府官屬何瑣瑣爲下所司理之有銜耶命至公署者昂然坐滿御史上叔璈詰以何時奉差視事璈不能對則立使撤坐將劾之其人悚然謝去自是無敢干以私者先正事略時久停御史巡邊海之制

上以臺灣亂初定

學案小識

命擇臺臣廉靜有才識者往巡視而叔璈

實承

命以行

方苞送黃玉圃巡撫臺灣序

至則翦餘孽釋脅從反仄以安雍正元年

任滿

特旨留一年

命以所行告代者爲列海疆十要

先正事略

既還京怨家以蜚語中之

遂落職乾隆初起河南開歸道訓驛鹽糧道豫省大水叔璫撫災

民勤卹周至潞永城河口開儀封引河築虞城隄岸皆中窾要

案學

小在豫四年以母憂歸服除補江南常鎮揚道遇疾暫解任疾已

復原官又三年致仕家居七年卒年七十七晚歲所養益粹嘗語

人曰道學卽正學也親正人間正言行正事斯爲實學不然空談

性命胡爲哉著有近思錄集註慎終約編既倦錄廣字義南臺舊

聞中州金石考諸書藏於家

先正事略

登賢字雲門叔琳三十七而生登賢雍正二年舉順天鄉試年才

十六叔琳不欲其速化會撫浙撫以自隨兼從諸名流遊所學益

進乾隆元年進士分部學習得戶部河南司額外主事越七年實

授江南司主事轉員外郎又二年進陝西司郎中皆在戶部長官

器其才能剴繁常令兼攝他司恢恢而辦洞悉利弊吏不能欺遇興革大事推之定議奏上靡不報可爲尙書海公望撰

皇后躬蠶儀

上覽之稱善詢何人爲之海以實對由是擢廣西道監察御史遷吏科給事中再任刑科掌印巡視江南漕務前任臺察給諫凡十一年所陳奏皆切於時務可施行者山東災運奉天河南天津米接濟登賢言如此則東省西界北界爲有備矣惟青萊鉅濟東窩遠利津昌邑以南諸縣山徑崎嶇陸運復不易謂宜豫糧仍舊運通而以南漕如數抵撥近從淮安鹽城出口由海港直達沂州府屬之夾倉口青州府屬之宋家口萊州府屬之膠州東門外海口分貯平糶則東界南界亦俱得資接濟又言飢民就食他方向有留養資送之例然其中有本來游惰之民無業可資轉以荒年爲

幸及資送回籍往往成羣滋事有於經過鄉村搶食作踐者臣以爲賑卹之恩難容監及遞送之例別有區分被災之區自有賑濟勸其無輕遠出其已出者惟老弱殘疾留養外餘聽其自爲謀食至願同籍者陸續資送按日分遣多不過三十人有如強梁之人混入隊中者卽繩以法別行遞解同籍庶乎主客相安不受外來之擾其他如除幕客盤踞省會之弊杜經紀巧昂錢價之害提比捕役等責成府廳磨勘試卷令考官剋避漕丁餘米許在通出糶諸議咸奉

旨允行廢員劉光訓以縣丞署知縣被黜賄通文選司書吏藉起復原官又躡補知縣登賢劾奏論如法其巡南漕歸也復

命稱

旨擢太常寺少卿尋遷光祿寺卿又升授太常寺卿蓋駸駸擢用

矣會

上御門班退登賢素短視不知

駕猶未起卽於班後憩坐部議革職及所司別請

簡人復奉

恩旨留任三十二年改宗人府府丞明年擢都察院左副都御史
命往湖南審覈茶陵州城工覆奏有平允之

褒又明年擢授倉場侍郎甫三月

簡署漕運總督是冬實授加兵部尙書銜登賢在農部久又兩任
巡漕於漕政素熟悉處置輕重咸得其宜丁有所資運乃速達明
年督運北上

命隨軍機大臣同入見旋因越常例奏請調濟湖南疲幫并水次
州縣建倉事宜且請親往鎮江察勘挑濬奉

旨申飭部議降調去官需次當得運使

上加恩以三品京堂用三十六年復補授都察院左副都御史三十九年奉

命提督河南學政

特調山東蓋是時壽張賊初平士習民風亟須整頓

上以登賢有威重故改川馮登賢之生也其父叔琳正提學山東今相距六十六年而復繼斯任凡整飭士習崇勵風教一以其父所行者爲法先是東人於大明湖三賢祠增祀施愚山閻章及叔琳爲五賢祠登賢至瞻謁重加修葺并置祭器且默自矢以毋貽先人之玷視事年餘恭遇

聖駕東巡於界首祇迓

上見其容瘦

諭加意調養蓋是時已積勞成療矣及是按試曹州閱卷不異常時忽命子嘉績具遺疏且曰生於山東死於山東命也生於學署死於學署數也吾分止此夫復何憾遂卒年六十有八

肅文昭忍
廬黃公墓

崔恂字漢雍霸州人應鳳孫恂兄弟六人皆力學有聲恂尤卓犖博通典籍肆力於今古文辭爲文不假繩尺頃刻數千言與行閔博試輒冠其同列屢薦不售因泣曰吾先君子有文行督學熊鍾陵先生以國士期之乃竟賫志以沒今不自奮何以慰先靈於地下時韓長洲莢文名滿天下遂徒步入都遊其門韓一見驚曰冀北自古多僇儻不羣士自吾官京師所接見不下數千人如子之克自樹立不因循者蓋不多覩盡授以讀書作文法康熙二十九年舉人辛未會試本房首薦副總裁王士禎欲置第一正總裁張

王書曰第一己有人矣可置第二士禎曰此人豈作第二人想者
今既己有人留爲後科第一人可也遂見撫恂悉其顛末乃自嘆
曰某今得遇知己可無憾矣其不得則命也遂決意不再試乃就
中書職每人直與諸名士唱和其詩取法盛唐間亦效漢魏六朝
體書法尤得二王意逾年以目眚告歸旣歸日與其羣從講學遠
近從遊之士每不下百數十人恂教人必以經術爲根抵嘗立家
規每月朔望入宗祠以宗老一人率族人拈香三揖行四拜禮皆
以齒序隨班行禮禮畢首讀遺訓卽晏子所云父慈而教子孝而
箴兄愛而友弟敬而順夫和而義妻柔而正姑慈而從婦聽而婉
所以勸善也次讀遺誡卽石碣所云賤妨貴少陵長遠間親新聞
舊小加大淫破義所以懲惡也次讀遺規卽程子所作視聽言動
四箴所以修身也讀畢眾人皆應曰諾復向上三揖然後退恂又

嘗誠子弟曰近世風俗撓滿口角輕薄最是惡習朱朝晁氏子弟
皆克遵法度羣居相呼外姓尊長必曰某姓第幾叔若諸姑尊姑
之夫必曰某姓姑夫某姓尊姑夫未嘗敢呼字也其言父黨交遊
必曰某姓幾丈亦未嘗敢呼字也如此行之自不失謹厚之風又
嘗手製一杖藏於家祠囑其家人曰吾子孫有不肖者無論老少
卽稟明宗子入家祠焚香請杖以懲之三懲而不改卽逐出之不
可令污吾姓氏也因銘其上曰人禽之辨爭此幾希幾希旣失何
異鴟飛飛鴟惡鳥反噬遺譏忘本反噬祇欲自肥豈藏其貌夜逞
其機禽醜匪類人避崇機作羹食汝不孝同諒今銘此杖永遵勿
違讀其銘詞猶令人心慄慄也年六十有三所著有薇垣吟草
藏於家

儲在文崔
漢雍家傳

馬侗字汝誠寶坻人康熙三十年歲貢不爲口耳之學一以實踐

爲宗幾微言動無少忽每爲從遊者陳說經義必正襟危坐動色而道之雖盛暑未嘗一解衣一脫帽也嘗引朱子彈琴心不遠及程子某寫字甚敬語以勗學者故及其門莫不循循有矩矱後進遭於道必却立指示曰古先生

寶坻洪志

賈鉉字惠生永清人榛元孫祖燦順治辛丑進士鉉幼篤天性母王氏惡聞雷聲鉉六七歲時聞雷聲卽就母左右不敢暫去方九歲見天末雲起卽起敝席掩窻間父怪問之鉉曰天生雲則雷將發兒爲此恐雷聲驚吾母也家人以是異之康熙丙寅母王氏疾篤鉉年始十二卽偕五歲幼妹夜出父令家人蹤跡之不知所向比明城隍廟道士元祿早起聞香風自殿前來急奔視之見鉉與妹匍匐神前案亦無炷香也道士詢其故鉉曰吾母疾篤冀以吾二人年益母壽也道士大驚卽送歸其家是日母疾漸減越三日

疾竟愈一時縣人競傳爲純孝天佑年十八歲娶韓氏女韓侍舅姑亦以孝聞鉉性穎敏沉潛好讀書年二十三歲補諸生學使者故大學士安溪李光地見鉉文賞其詞意懇摯有志性不類文士所爲遂特拔之人以李公爲明鑒云壬午乙酉累薦不第鉉力學益篤後以遺產數頃爲永定河衝潰口食無資因賃種旗地躬自課耕以給父母甘旨遂廢誦讀不復規進取而孝友爲政於家女弟適生員劉菁莪劉甚貧鉉雖艱食資給衣食無少吝甲午地震鉉在村落課耕偶遇小疾不遑顧息急歸省視父母疾趨五十里汗出浹膚所患遽瘳父填年躋百歲鉉年至七十餘孫曾連膝侍父飲食起居不殊少壯父卒鉉典質莊田得百金將營棺槨是夕有盜毀門而入持刀篝火向鉉索金鉉具以實告羣盜不信內有鉅魁向鉉熟視之驚曰此永清孝子賈鉉也吾不忍奪孝子金遂

揮其眾散去遠近異之乾隆丙寅卒年七十二子四雲漢彭來彭

最知名

永清
月志

彭字東潤初讀經書二年卽通大義鄉舉輒薦不售於是力田養親不求聞達

憲皇帝卽位詔舉孝廉方正知縣丁棟以彭應舉彭以親老不出課耕讀書凡三十年永清僻陋鮮學古者彭獨探索經史欲以著述成一家言其餓鄉記曰距醉鄉睡鄉三萬六千里有餓鄉焉孟子蘇子所未曾遊也其土地人物與三鄉畧同然其俗節尙介行尙高氣尙清磨礪聖賢排斥庸俗則又二鄉之人所未逮也非大聖人孰能居之昔者伯夷叔齊造是鄉愛其境婆娑不忍去鄉之人謂夫夫真而主也爲築壇拜之後凡有過者悉稟問納否孔子去衛適陳道經是鄉伯夷率鄉人郊迎伏謁禮甚恭且致位焉孔

子笑不應然重違其意乃偕諸弟子爲停驂者七日其後曾子顏
淵原思輩嗜其趣數往遊焉或三旬九回或並日一歸與夷齊兄
弟甚相得於陵陳仲投是鄉三日希見收於伯夷夷笑而麾之曰
若避兄離母非吾徒也去其籍故後世稱仲子者咸於陵之而不
以俄鄉繫也漢周亞夫慕是鄉高義棄通侯之貴徒步款里門伯
夷蹙額曰亞夫粗人豈足以辱吾士哉然恐絕來歸者心顧左右
搆數楹於里門使居之亞夫樂焉而幸臣鄧通亦貿貿然來夷齊
勃然怒曰吾鄉清白鄉也豎子敢來相浼命左右捽之數十里外
撲殺之司馬遷未深考誤謂鄧通老是鄉焉豈不誣哉伯夷旣誅
鄧通不懌者累日因使人延晉處士陶潛以其高風蕩滌污穢潛
亦舍彭澤令與夷齊交稱莫逆焉然潛習游蕩久每越境與王無
功遊夷亦不之禁梁武帝爲侯景所逼逃入是鄉伯夷不納因叩

頭力請不肯去卒免侯景之刃夷懼爲天下逋逃藪爰集鄉人更訓典嚴條約日出數十人覘客於路上凡有聖賢豪傑孝子忠臣高人義士辱臨者迎之致敬無敢失禮其爲賤隸鄙夫有托而逃者撲殺之無赦至於富貴要人亡命至此亟遣之去無辱辱齒自是之後遊者雖日以眾而得入其門者蓋寡其幸得邀優款去來不阻者若唐韓愈宋呂蒙正范仲淹而外代不過數人近世士大夫罕有問津者矣吾友仲樂園嘗遊是鄉歸爲余言此中佳景非俗人所知余初未之信歲丙辰樂園招吾同往涉半塗苦其路險巖甚不可耐復勉行數百步入外郭覺有異後漸至佳境則似別有天地其山茫茫其水淼淼其民渾渾噩噩忘貧賤富貴三光如飛彈大塊如轉圜下視王侯將相與一切持梁黃肥醉飽而死者直螻蟻不啻焉夷齊爲余言是鄉來厯及君子之至於斯者且言

先時虞帝大舜及商臣傳說膠鬲故嘗遊是鄉後又有管夷吾孫叔敖百里奚其人者謁晉徒而來請後皆不久留梯青雲而去非惡此而逃之也蓋天將有意於斯人必先使閱斯鄉以磨勵之二君其亦借徑於吾鄉歟余無以應然樂其鄉人之不余拒也輒數往往則與夷齊上下其議論久益暢然快吾二人爰得樂土而悲王與蘇之未獲從吾遊也士之有志斯鄉者自行束脩吾將誨之彭天性友愛賈氏有先業爲旗莊園佔官給靜海荒地百二十頃名撥補地地濱海潮遠不可種而官租輸納歲以爲常彭獨任之不以累兄弟子乾隆丁酉以負租種不可勝乃出四百餘金始得除地隸他人戶貫諸伯仲後裔由是免迫呼憂乾隆戊戌卒年

七十有七子慶檀

永清周志

慶檀字樸園舉乾隆三十六年武闈第一歷官河南王祿店營守

備嘉慶元年調征川楚教匪每戰輒先登凡荆門白雲山襄陽七里山穀城沈家岡南漳倒座廟四川界之晝石溝數大戰慶檀功最從經略額勒登保屢蹙藍號賊張漢潮於竹谿縣賊擾別營別營乞援他將多畏縮不敢往慶檀請行帥卒三百人與楊占偕楊占武舉之效力者也途遇潰卒告慶檀賊勢張甚必勿往所親卒控馬諫曰我爲援師彼奔矣將誰援且進必無功退固不獲罪慶檀叱曰援師亦殺賊耳彼奔賊固在奈何不見敵而返急進與賊遇慶檀持火器挾弓矢以佩刀俱賊眾萬餘三百人皆鏖戰賊少却潛出兩翼裹我師師潰楊占沒於陳慶檀施火器藥盡左右射矢盡掣佩刀刃數十人透圍出佩刀折矣顧從卒三人將由間道歸復遇賊數百遮關慶檀謂從卒曰吾今死矣汝等速去他日收吾骨竟前徒手搏賊遂遇害其地爲湖北竹谿縣之九里岡時嘉

慶四年四月九日也戰之翌日三卒一得歸率其伍求尸於故戰地望見腹隆隆高尺許衫袂蒙面迫視之良是有創自胸達背其旁漬草偃者半畝許眾皆哭遂舁歸具冠服殮之時已入夏五日而尸不變目炯炯終不瞑年五十二事聞

贈卹有加予祭葬入祀昭忠祠

永清續志

高元愷字際斯寶坻人鍵戶窮經無間寒暑其治詩也尤於箋疏傳註外別有心得門人嘗問三百篇蔽以一言其旨云何曰人於思慮之微毫無邪曲則性情正矣性情正則興觀羣怨無不中於自然之節事父事君無不盡其當然之道下至鳥獸草木無不窮陰陽剛柔之理擴而論之內聖外王悉統於思無邪一言蓋自道其所得力也諸弟子中王師旦最著

寶坻洪志

王澤博字卓菴寶坻人以貢授中書出爲廣東肇慶府同知兼攝

曲江縣篆擢四川馬湖府知府馬湖轄有四土司澤博綏靖有方
中外悅服以憂歸服闋仍補四川順慶府知府未之官而卒澤博
所在有聲而見於曲江政紀者尤詳汰除耗羨至爲民損解費實
夫役去之日幾不能具舟車貸新令百金乃得發其聽訟尤有神
明稱有楊辛閭者報被盜指火光中識楊觀養蕭文輝二人捕至
澤博視文輝非盜類也而觀養堅謂合夥皆由文輝并供其夥某
某及驗賊多做帳破衫類辛閭以爲是觀養自承他日乃取舊袍
衫各一雜諸賊內試之識認復如前澤博大怒掠治乃得其賄盜
誣扳狀如律論釋文輝等又一日平明往鄉檢驗見數人負巨擔
疾走足沾泥似遠來者呼詰曰若輩安往日遷家自何許來曰某
村遽命致之及就訊果自隔縣化仁譚家行劫者也其他發奸摘
伏大率類此

寶坻
供志

張楨字翊公永清人性醇質言動不苟康熙己卯有族人生子甫
舉而妻殞其人家貧無以活將棄之楨取以歸爲擇乳長養之及
娶婦成立乃命歸承祀乙酉在京師旅店偶出便旋見人自緹馬
廐呼救得甦詢其始末則鄉人業販魚者以博喪其貲不能歸里
楨給錢二緡諭以習勤無爲遊博及歸家其人已改行餽楨三鯉
里人賢之因呼爲三鯉翁有遺業在楊家營佃戶逋負田租積累
無算楨往索逋其人父子俱喪遺孩幼弱不自存楨見之惻然卽
諭其家不復納租但上官稅得免徵索足矣惟子孫世耕爲業不
得更鬻於人遂爲要約其家至今賴之父汧有舊僕忠謹爲父所
愛父卒楨爲焚券資贈遺之其人後以買布起家數十年後猶至
永清見楨已卒設祭於墓瞻視楸柏徘徊旬日乃去楨卒於康熙

六十一年年六十六子二人日新尤知名

永清周志

朱一鳳字詒庭號丹崖涿州人康熙四十八年進士改翰林院庶吉士授編修雍正元年改御史數奏多稱

旨命巡視北城吏民安之屢典試事所拔多知名士如李錦徐陶璋陳祖范王步青雷鉉林之春輩皆出門下時

上方銳意圖治而江南尤號繁劇

詔復蘇松監司擇廉幹吏

命一鳳仍以御史爲蘇松太道給白簡俾便宜條奏會海關司權難其人巡撫以一鳳請報允一鳳至則釐剔積弊百姓稱爲神明調兩淮鹽運使明年西陲用武

召還命轉餉甘涼遠道爭輸民忘其勞粟額七萬八千九百七十石有奇得餘粟三千六百石有奇而軍儲以實延緩總兵米國正奏請於黃河開運道

上命督臣遴賢能大員勘議一鳳總漕道里遠近具黃河議謂害大利小奏

聞事遂止蘇州奸民有私鑄錢事發一鳳坐前任失察降官奉

旨以知府用知江西瑞州府府俗惡堪輿家說多以此訐訟一鳳嚴爲禁止訟者自解調知廬州以年老乞休歸貫僻巷茅屋爲棲遲所喪殮不給言笑晏如卒年八十五貧無以葬人咸目爲廉吏

云

涿州
續志

陳謨霸州人家貧屢空意泊如也嘗行於途見遺金而守之移時有賈客芒芒然至已過矣呼而止之則遺金者也詢其字記其言符遂與之賈客感而泣分其半以贈之固辭而返嘗應試昌平時值六月淫雨連縣而謨忽不食不寢戚戚焉憂問之則曰吾母生日近矣向之來以爲試而返猶及拜不意其遲滯如斯也勃焉欲

返而場期之牌已懸矣同人止之曰素無賓客之慶亦無盛饌之設子之還不過至家一叩首耳生辰一事歲歲有之何必然不聽卒冒大雨以行五日而返往來皆徒步也同寓者笑其迂或曰此茅容也不遇郭林宗誰其識之雍正初歿

秦子墓孝義陳先生傳

吳履中武清趙甫莊里民也事父吳光大以孝聞光大雙目瞽障履中以舌舐目晨昏不倦三年如一日光大雙目復明里人以孝

稱之

武清縣志

郎大乾字容巖昌平人康熙五十三年舉人

畿輔詩傳二十九

父之正令

平原有惠蹟罷官後貧不能歸大乾善書其兄大曾字得巖善畫

兄弟並耽吟詠尤豪于飲大乾以中酒卒大曾亦客死金陵俱無

子詩稿散佚無知者

山左詩鈔流寓傳

何國宗字翰如大興人康熙五十一年進士改庶吉士

內廷行走學習算法五十二年五月命

御前校對九月彙編

御製律歷淵源十月授編修五十四年遷中允五十六年充

日講起居注官遷侍講五十九年遷庶子雍正元年五月遷侍講學士六月遷少詹事三年擢內閣學士七月

命閱視黃運河道四年正月疏請於戴村壩增築石壩一五月奏言東昌府城南有七里河口下歸徒駭河北有魏家灣河口下歸馬頰河德州南有減水閘下歸老黃河皆運河東岸洩水入海故道與大鹽河小鹽河爲四支河各渠皆歸此四河以洩民田之水年久淤塞應挑濬七月奏言山東汶泗泉源紆迴二千餘里請設管泉通判一專司疏濬又言高家堰以南石隄上臨湖鑲墊葦柴高三四尺不等但大隄頂寬八丈三尺鑲墊僅丈餘應於柴工

後將土隄一律加高於歲修案內逐漸增修九月奏運河自臨清
以北賴衛水濟運而衛水發源百泉益以丹河洹河其流始盛向
例三日開閘濟運一日閉閘灌田日久弊生至運河淺阻臣等查
勘百泉議分作三渠中爲官渠東西各一爲民渠東口門寬五尺
五寸西口門寬四尺五寸小民灌慨有資亦無損於漕運洹河萬
金渠口外有石壩一上年水溢止露壩頂二十丈餘坍入水將石
壩拆去十五丈迎水入渠今水消壩南淤成沙灘灘南有石橋一
涵洞四十有三請自東頭第十洞處許民于需水灌田時自築石
子壩北接沙灘灘東開小渠一引水入渠其西三十三洞盡行疏
濬無庸拆去石壩洹河之水自可一分灌田三分濟運皆下部議
行十二月充

經筵講官趙撫憲楊額以州縣供應國宗等應于何項開銷請

旨諭曰前差何國宗等七人往山東查勘水道朕俱給與夫馬廩糧不使煩擾地方其遠路踏勘不通驛遞之處令州縣酌量應付今據塞榜額奏稱厯城等二十二州縣詳報供應欵差食物車馬等項用過銀兩無項可抵除德州泗水恩縣高唐聊城五州縣情愿將用過銀兩一千五百九十九兩自行捐備不請開銷外其餘州縣用過銀七千六百二十餘兩應於何項開銷等語何國宗查勘河道旣已給與驛站夫馬廩糧其餘遠地之處地方不遠日用之費甚屬有限今覽塞榜額所奏各州縣應付將及萬金之多何國宗不惜地方物力負朕任使交部嚴察議奏尋議降三級調用五年十月補大理寺卿六年十一月遷內閣學士尋遷工部侍郎八年正月命同侍郎牛鈕督修北運河減水壩並濬引河工程二月奏勘河西務城北老岸舊隄及要兒渡舊河口魚鱗壩俱大溜

頂衝宜保護堅固方資捍禦請先撥銀二萬兩發通永河道高鎮
將壩門加寬四十丈則引河亦須通身加寬舊引河南岸廢隄拆
去方爲暢順但工作特久應先于新引河中間沿舊隄開一深槽
直達塌河淀並將河口淤高及舊河內淤淺開挖自然水流較暢
再查塌河淀下口有陳家溝舊一道東隄頭舊河一道賈家沽新
河一道計三河寬不及三十丈擬于賈家沽新河旁再開洩水河
一寬三十丈方足暢流歸海得

旨允行是月又奏言三里淺險工應建挑水壩一並將鷄嘴壩修
整其隄灣回溜處應修排椿一路又筐兒港壩門急溜汕刷應建
挑水小板壩一大板壩一順水排椿一路又孤雲寺係大溜頂灣
排椿損壞應修補西岸華家口係舊河上口原有攔河壩一頂衝
汕刷僅存靠隄陡岸壁立舊河地勢窪應修葺工一段張家莊老

莊刷去僅存月隄應建挑水板壩一後接排椿火燒屯險工舊有排椿應修補又上年水漫隄頂二十處應加培令河道動道庫歲修銀修濬估報水利營田衙門

詔如議速行九年四月兼河東總河田文鏡疏戴村向建玲瓏亂石滾水三壩汶水漲由壩面滾入鹽河歸海沙從三壩洞隙隨水滾渴冬春水弱築土堰漚流濟運自國宗等增築石壩汎水漲發並無尾閘洩水又無罅隙通沙瀕河連年被患汶水沙淤有碍運道請拆石壩仍修爲玲瓏亂石滾水壩得

旨何國宗勘議錯誤貽害地方著交部嚴察議奏尋議革職乾隆二年命充算書館總裁四年充國子監算學總管六年充律呂館總裁九年二月

詔給三品頂戴在樂部大臣內行走十月律呂書告竣議敘加一

級十二月授左副都御史十年兼管欽天監正事十二年因議御史馮鈐條奏含糊題覆降一級留任十三年遷工部侍郎二十一年正月

命同侍衛努三哈清阿率西洋人往伊犁測量度數並繪地圖十月奏言由巴里坤分西北兩路查勘臣努三從山後至伊犁將博羅塔拉齊爾哈布塔克拜塔克瀚海等處勘明繪圖臣何國宗哈清阿越托來嶺將博克達額琳哈畢爾噶山及吐魯番伊拉里克哈喇沙爾等處南北度數測量自海都河上行由裕勒都至小裕爾都斯哈布齊垓所至地方繪圖復回至巴里坤將兩路地圖合繪呈覽報聞旋

命將諸部節氣及日出入時刻入時憲書十一月署左都御史二十二年正月授禮部尙書四月因京察保送親弟何國棟照狗庇

例降三級調用旋得

旨何國宗年老龍鍾著革任五月

賞給編修在

上書房行走二十四年遷內閣學士二十六年遷禮部侍郎二十

七年原品休致三十一年卒

漢名臣傳

陳儀字子颺號一吾文安人

義輔詩傳三十

自為童子時已崇本力學卓

然自命凡經史子集之編濂洛關閩之學天文地志河渠樂律之

要兵刑錢穀之詳坐而言起而行者靡弗瞭如指掌

于辰陳學士文鈔序而

以畿輔河道尤關桑梓利害

畿輔水利叢書二

於一切水性地形知之較

悉

四庫全書提要六十九

康熙五十四年進士改翰林院庶吉士五十七年

散館授編修與修

三朝實錄

國史文苑傳

皆為古文辭相國高安朱文端軾亟賞其文嘗

從容與論經濟益奇之雍正三年畿輔大水諸河泛溢壞民田廬
無算

世宗憲皇帝軫念民艱

命怡賢親王偕朱軾相度濬治王欲得善治者與俱而難其人軾
以儀對王延見於直廬訪以治河所宜先儀對曰朱子有言治河
先從低處下手天津上應析木古渤海逆河之會百川之尾閭也
今南北二運並漲東西兩淀爭奔駢趨於三岔一口而強潮復來
距之牴牾洄漩而不時下下隘則上溢其勢宜然故欲治河莫如
先擴達海之口欲擴海口莫如先減入口之水入口之水減則達
海之口寬而北之永定南之子牙中之七十二沽乃得沛然入三
岔口而東注矣手畫口陳洞中機宜王稱善久之四年春隨王行
視畿內水利教令牒奏皆出儀手王雅重儀

上念治水勞

命以待講攝天津同知轉侍讀陞庶子五年設水利營田官分四

局

符曾陳學士家傳

以儀領天津局文安大城隄工皆隸焉二邑形如釜

底積潦不消秋復大水夾隄內外皆巨浸

文苑傳

波衝浪嚙勢將不

支儀購蔬蔣十餘萬束立表下隄以禦險要

陳學士家傳

隄本民工

文苑

傳儀言於王

奏請發帑金數萬爲民興修用以代賑隄遂完固至今賴之南運

長屯隄地隸靜海不過數武吏無法歲調發霸州文安大城民協

修百里裹糧疲於奔命儀除其籍民以爲便儀既深悉河道

陳學士家傳

凡桑乾沽白漳衛滹沱諸水之脉絡貫注及遷徙壅決之由疏

濬濬導之法若燭照數計

畿輔水利叢書二

畿輔七十餘河所勘定者十

六七

陳學士家傳

蓋籍支安而祖居則在東淀旁之西自登賢書後遊

於津門者殆二十年計其扁舟往返目覩利病者已久一旦獲佐
管田之任遂抒其素蘊以爲施設雖元郭太史明潘印川殆無以
易之吳邦慶陳學士文鈔跋時善來營西有水怪窟焉頽岸數十丈隨築輒
壞至於再四儀投牒河神期以三日必徙是夕雷電大作怪徙去
隄乃成八年陞侍講學士

廷議設營田觀察使二員分轄京東西以督率州縣

命儀以僉都御史領豐潤諸路營田觀察使儀營田於天津

陳學士家

傳倣明汪司農應蛟遺制築十字園三面開渠與海河通潮來渠

滿則閉之以供灌溉

文苑傳

白塘葛沽之間斥鹵盡變膏腴豐潤玉

田負山帶水湧地成泉多沮洳之區儀教之開渠築圩皆成良田
十一年大雨山水暴漲淹沒田廬萬計儀卽草疏上

聞或以侵官爲疑不顧

詔制府賑之

命儀董其事凡賑三十四萬七千餘口所全活甚眾十二年田園生螻蛄億萬閭閻作聲禾苗大損儀爲文禱方社田祖一夕寂然寶坻營田患蝗忽飛鴉啄食之立盡咸以爲精誠所感與前驅水怪事若出一轍轉侍讀學士尋罷觀察使領史職如故先後所營田七萬畝有奇民間自營田亦數千畝溝洫旣修歲以比登又慮穀賤傷農

奏請發帑金採買以充

天庾其隨事立效類如此

陳學士家傳

篤於內行先世所遺田數百畝

悉推以讓其兄旣仕祿入悉分給諸昆弟無餘財乾隆七年卒年

七十有三

文苑傳

平生無聲色博弈之好性嗜書手不釋卷著有集

十八卷季子玉友刻于閭中其未刻者有毛詩臆評鄉黨私記學

庸私記南華經解蘭雪齋讀離騷廣前定錄天游錄藏於家子夔友舉人鳳友進士邵州府知府玉友進士臺灣府知府所至有惠政閩人稱之

陳學士家傳

史全義字漢英先世浙江山陰人父玉節康熙初遊京師隸籍宛平受知於新城王文簡士禎一時徧交秀水朱彝尊仁和湯右曾慈谿姜宸英海甯查慎行崇明何焯長沙任份諸老輩有名仕至四川威州知州晚歲學仙年八十餘卒全義早食貧年三十餘來京師求爲小官不獲選則去從幕遊學爲刑名家言然其性蓋長者歲所入脯金微積則付之友令爲買賣有息則喜益付之久之友來謁曰嗟賈不逢時并前息俱盡全義則一笑罷無他語其貧如故其所遊幕主人以其長者故重全義全義每遇獄之當死者固欲生之不可得則太息書寄其子積容曰吾不幸不學而爲此

此非人所爲汝其益勸學積容聞之以自警用是學有成全義在山西獄有男子謂一婦人倉卒持其手而逸婦慚雉經全義以爲婦烈當旌而謂者無強暴狀疑可杖而生之爲申文具上上司駁曰近法持婦人手而死者絞輒予勾縣之幕何許耶縣幾得過於俗吏相譁曰史先生乃以囚擲官全義則自謝去貧益甚會積容成進士官禮部山西諸縣乃稍稍更延請全義人以是嘆天之報全義之厚於仁也歲辛卯遇

覃恩獲封奉直大夫禮部儀制司額外主事如積容官雖貴貧尙如故就幕於山西臨縣遇疾而卒卒年五十有六子積容乾隆辛

卯進士禮部儀制司額外主事

朱筠史先生墓誌銘

張化光通州庠生平居尙氣節不屈於勢利以剛直故爲仇家所陷將就刑與妻訣曰吾生爲義士死爲厲鬼任爾他適可也妻曰

君為義士吾願為節婦化光拜謝死後擊殺仇家妻食言亦擊殺

之里人歎其英烈通州高志

紀達宜字肖魯號可亭友安人雍正元年進士畿輔詩傳三十二令黃陂

有惠政時甫更赦令諭盜魁令改行皆感動悲泣而去初授訟牒

累三百紙剖析無遁情兩造驚以為神容美土司佔長陽田民訟

之士人不就理反虜掠數十人以去達宜移書諭之酋懼即還所

虜人解犯聽勘論如其律陳儀紀歷官刑部員外郎畿輔詩傳政事之

暇吟咏弗倦紅豆樹館詩話其詩陶鑄融冶一歸大雅紀可亭傳尤工倚聲有

閒雲詞一卷紅豆樹館詩話蘭蕤集八卷畿輔詩傳

陳浩字紫淵昌平人畿輔詩傳三十二生長京師幼從舅氏張文樞學授

以孝經小學習幼儀動止有法年十五從仁和諸生嚴自公習舉

子業次年夏移居南鄉借田里而耕鄰居無一知書者所業將欲

廢矣嚴自都門寄詩以勗之其父覽之撫膺長歎因聘嚴於家是年以第一入州庠後二年家益貧授徒窮鄉終日不滿百錢困於饑寒父母又相繼亡雍正二年成進士改庶吉士授編修目平聲詞館與趙副憲大鯨李編修重華諸贊善錦齊名湖海詩詩各體皆工陶冶性靈清剛雋上卓然名家紅豆樹兼工書法得蘇文忠墨妙房詩話雍正七年典福建鄉試乾隆二年充

日講起居注官

目平

陞詹事府少詹事

微輔

詩傳七年被議落職次年

命提調經史館事至十五年八月與降革諸臣引

見補授侍讀充

武英殿總裁十八年視學湖北二十年復拜詹事越二年原品休致遂游於汴主大梁書院講席辛卯逢

皇太后八十萬壽蒙

恩命爲九老賜游香山時年已及八十矣浩待直

武英殿書局最久所交皆當代賢士大夫與桐城方苞交尤深晚年又主講大梁宛南書院故其學亦因此益進嘗言聖人之道至

程朱而大顯後之學者亦無可異同

目平宋志

有生香書屋詩六卷思

光集一卷

畿輔詩傳三十二先生思光集一卷

案陶鳬香紅豆樹館詩話云紫閣

書屋集六卷共五百餘首前無序後無跋殆非定本今考昌平州志又有生香書屋文集漣水集皆爲陶侍郎所未及見其云生平志行無可徵考殆未見昌平州志耳

所編錄者有明詩約存行世二子長本忠官戶

部主事次本敬官翰林院檢討

目平宋志

劉佐武清人樸質醇謹鄉里稱善人雍正三年歲大饑免佃戶地租房價迨

欽差勘賑佐復自發廩園散給佃戶不費

朝廷一顆一粒而所全活者殆數百家監察御史張喬高其義旌

之日克廣德心素精岐黃術人以禮請者無分晝夜寒暑卽往診治遇貧乏之家往往資以藥餌其心存利濟若此以候銓州判終

武清
吳志

張肱字佐周順天人父以天文生爲欽天監博士肱亦以天文生補官博士歷五官司書夏官正垂四十年始陞戶部主事肱在監於歷算諸書悉心稽考窮極幽渺時總理欽天監事者爲張尙書照何侍郎國宗兩人皆明敏非常他人繕藥者必覆算再四始發肱呈藁曰君必無誤不覆審也性至孝父素下急有同里赴公車者言某處餅甚佳時肱已爲博士命往市閱數里始至則已冷父大怒撻之流血肱自若請復市乃借鄰馬馳取之父怒始解有弟酗酒無賴一日方宴客忽與其家人交訐肱曰徐之何乃驚客如是定謂坐者曰吾弟年逾五十暴戾之氣不改何怪也晚歲罷官

會其族人互訟涉肱及公庭由是遁迹東郊數十里不入城市逾年遂卒

朱彬道堂集

陳瑞字汝玉號北菴通州人雍正五年進士歷江南繁昌貴池霍山知縣廉潔自矢善決獄務持平允遇歲饑設法賑濟全活甚眾其治霍山時俗喜媚神男女雜沓瑞舉不經之祀悉毀之嘗公出遇童子泣於途詢之知其父爲人所戕不得申理瑞拘其人訊實抵法童子方六歲無所歸育之至二十餘贈以貲俾自營業去官之日霍人請建生祠力却乃已年七十餘卒

通州高志

劉順順天人雍正五年進士授藍翎侍衛七年發陝西委用八年署甯夏鎮標中軍遊擊十年實授十一年署平羅營參將十二年調署鎮海營十三年署同州協副將乾隆二年仍署平羅營參將十四年署定邊協副將五年遷鎮番營參將九年遷金塔協副將十

三年正月率甘涼肅兵千五百赴金川軍營聽調五月偕副將高
雄由甲索一路攻囊得甫至松林賊百餘突犯擊之遁越日擊斬
賊眾毀其礮閘七月隨大軍由卡撒左山梁進剿各礮以次克惟
普瞻雙單二礮固甚賊死拒日暮將旋兵順潛率所部通單礮縱
火攻之賊潰並奪雙礮大軍繼進遂克色底而是時普瞻之西河
利山賊礮林立八月順冒雨奮攻奪山梁木卡復由山左進擊斬
賊二十四奪礮一九月復以砲擊斃賊眾六十餘克大礮一石卡
四平房二十四經畧訥親履奏順奮勇報聞十四年金川平議叙
功加三級再擢貴州威甯鎮總兵尋調補甘肅西甯鎮總兵十六
年

陸見賜戴孔雀翎二十一年二月督解駝馬送巴里坤軍營十二
月署安西提督二十三年二月委辦戈壁水泉實心經理

諭獎之下部議敘功加一等五月擢甘肅提督仍留署西安提督
二十四年調西安提督二十六年以病乞解任調理允之十二月
卒尋

賜祭葬如例諡壯靖

漢名臣傳

杜通文字紹衣號若洲

張廷玉杜君墓誌銘

大學士文端公立德曾孫性至

孝十歲居父憂讀禮盡哀雍正七年

世祖憲皇帝念舊勞特

召見奏對稱

旨寶坻分發河南以知縣試用

墓誌銘

歷署內鄉鄆城西平臨潁縣

篆政聲翕然時制府田文鏡治尙嚴明通文隱以寬濟之決獄平

公少枉者捐貲廉募夫築隄親督率之北隄成水發不爲害擢鄧

州知州

寶坻洪志

鄧五方雜處尙氣輕生通文示條教俾知自盡無抵

債律民始悔前之爲訟牒情簡

墓誌銘

制府方行開墾令察民間欺

隱者通文所報獨少他日詢之曰他邑自多鄧州自少制府無以難己乃大修文廟重建春風閣百花洲一時以爲杜母復出乾隆元年移知陝州城中向資渠以濟汲歲久淺涸通文率民疏濬自分水嶺注城凡三十餘里水常不竭州儲穀萬餘石時發賑以賑陝出入數親較之猾吏無所措手會母穆卒於署扶觀北歸哀毀骨立病遂不起年四十有四

寶坻洪志

鍾晚字勵暇先世自浙遷京師爲宛平人年十三讀庾信哀江南賦一過成誦十八補學生有聲與故王吏部澍徐編修葆光爲忘年交師事桐城方先生苞益治經殫心三禮而兼及於詩書春秋中雍正六年進士當得知縣以親老不就選省其親於兄曙宿遷官所苞爲文以贈言君子之學始于慎獨而終于獨立不懼晚終

身服之故其功尤嚴于人所不見每晨起正衣冠危坐無寒暑皆然乾隆三年詔修三禮以鄧文端爾泰張文和廷王方先生苞薦充纂修晚主周官苞謂曰朱子言周公運用天理爛熟之書非子莫能罄其蘊以是屬子矣未幾與河南孫用果河間王之銳借薦以國子監助教用先是有以進士在館補外留改中書者或勸用其例晚曰奉詔修書而乞外補又謬爲去者以邀其留非正也不可及周官書成聞父病卽日戒行不待奏以是不得叙上考又逾年還京孫用果當次補助教而晚名在其先遂不以名自列于吏部迨父母考終始起就職在監六載教人以忠信篤敬爲本十五年遷禮部主客司主事又四年進祠祭司員外郎先是嘗與薦于經學上以內外所薦多俾大學士擇其尤以聞會推之前一日海甯陳文簡元龍到門索見晚疑於名在舉中辭以疾不獲命見而

詢孰可者晚乃言某某明日疏上竟無晚名二十二年致仕晚性剛介在國子監却諸生饗或曰是師弟子之禮也晚曰不然吾堪爲人師自有負笈相從者師其人也今承乏于此師其官也而可貨取乎一日分俸誤有所贏召主吏趣持去吏竊歎美晚嗤之曰是直不爲盜耳何淺視而公耶居恒服御非甚敝不輒易子光豫嘗私爲先生置妾已入門不納令嫁之而不索其值居父母喪蔬食三年盛寒不衣裘人以爲難家祭宿齋戒祭畢乃敢嘗食又通酌古禮參合儒先之說度今可行爲祭禮纂三卷以示子孫病革不能言惟數舉左巨指蓋晚有兄子某在泰州家貧歲資光豫以自存至是彌留慮光豫以憂去而或弗克兼顧也晚編有春秋比事又刪取呂氏詩紀嚴氏詩緝爲若干卷晚年輯春秋義疏未及竟卒年七十餘子光豫

王芭孫宛平鍾先生事狀

光豫字剛志號南村

年舉人充

咸安宮官學教習歷任江西之上猶豐城南昌等縣知縣遷南康府同知擢知江蘇松江蘇州江甯三府事洊陞松江太倉兵備道凡其所居皆繁劇地皆以廉能著績大府或始以愛憎之口疑之光豫處之自若久而疑亦頓釋且委任焉故常以最聞父卒寢苦枕塊隆冬不衣裘松太兵備道治所實在上海欲扶柩歸葬而故里在遠不能倉猝辦乃就近權殯而身亦不離殯所上海地低濕風潮往來氛霧之氣易中人未終喪而疾作不省人事其子璵叩天求代額爲之腫歷旬始獲少蘇逾年卒年七十子三人長卽璵候補鹽場大使次琰太學生次瑛盧文弨曰南村死孝子矣乃其子亦孝子也是皆能知禮意而恪守家學者

南村家傳

金銖字廣蘊順天大興人

小倉山房文集十三

父懷璋武進士雲南援勦左

協副將少師事諸先生錦雍正八年進士試刑部授江蘇司主事
歷員外郎中元年主試貴州

盧文弼金
公家傳

擢山東道監察御史性忠

純梗亮疑疑自立乾隆元年

皇上求直言銘上培養元氣疏其略曰國之所恃者民民之所恃
者養養則安不養則不安是以有天下者必以安民爲急務

本朝太平久生齒日繁金饑木穰之災間或有之近年來陝西地
震江南水災

皇上如天之仁屢發百萬帑金賑濟恩至厚也奈鄉曲窮氓
君門萬里未必能盡達於

聖聰幸而達矣而蠲賑之下逮者不無遺漏臣以爲補苴於旣災
之後不若保護于未災之前臣所願陳者有五事焉一日開墾之
地緩其陞科二日帶征之項宜加豁免三日官稅正額之外免報

盈餘四日州縣殿最首重民事不以辦差爲能五日巡狩之地崇
尙樸素不以紛華取媚我

聖祖仁皇帝澤被八荒民到于今謳歌思慕所以然者總在散積
聚以充編戶輕珍玩而重人才我

世宗憲皇帝遺詔云凡各衙門條例有本嚴而朕改寬者此從前
部臣議定未協朕登極斟酌改定以垂永遠以後應照改例而行
若例本寬而朕改嚴者此乃一時整飭人心權宜之計候詒弊革
除後當仍照舊例而行大哉

王言其爲國家培養元氣至深且厚伏願

皇上敬法祖宗事事以厚生爲急時時以國本爲念則社稷之福
蒼生之幸也

小倉山房文集

時翰林科道輪日奏陳經史鎔於經首以損

上益下之說進謂務鳩歛以裕藏積之積者匹夫之富也務寬惠

以成盈甯之象者天子之富也損下益上上固益矣卦不名益而名損則知下損上亦損矣損上益下上固損矣卦不名損而名益則知下益上亦益矣又以繫辭傳釋否九五之辭進謂天下未安而求其安其精神之奮發也恒易天下既安而思其常安其志氣之操持也恒難故聖人於此諄諄以不忘致戒夫不忘豈但虛縻諸念慮而已哉必也有其實焉故以作所則其神清謙以受益則其氣欽無矌寡而皆可以勝予則無可忽之人矣無小大而皆懷於冰淵則無可忽之事矣又以伊尹告太甲聽言之道進謂伊古以來求言之主未嘗無也而能收聽言之效者卒鮮良以正言易逆不期離而自離邪言易人不期合而自合喜怒所發猝不及持以致觀望揣摩者不從其令從其意大臣持祿而不肯諫小臣畏罪而不敢言比比然矣夫公爾忘私國爾忘家無所畏避不爲迎

合者能有幾人妻子之累深富貴之念重則不敢言無剛直之操
無慮遠之識則不能言且言之切者或類於沽名言之激者或指
爲立異防患於未然者近於迂圖慮事於幾微者涉於瑣細則言
亦何在而可乎惟以道立聽言之的言之逆於耳者不必盡於道
有當也必求諸道而道乃出矣其非道者亦以道繩之而自見矣
言之遜於志者不必盡於道無當也必求諸非道而非道乃顯矣
其道者亦先以非道繩之而道始不爽矣

金公家傳

乾隆九年湖廣總

督孫家淦因扶同撫臣許容事部議革職奉

旨罰修順義城鎔上疏云賞罰者人主御世之大權向例臣工有
罪于應得處分外有罰鍰一項因其素非廉吏覲職不足蔽辜是
以罰令出貲效力使天下曉然知所得者究不能爲子孫身家計
故也今孫家淦歷任以來其能否優絀臣未敢深論至其操守不

苟久在

聖明洞鑒之中亦中外所共信也今罰令以貲效力似與用罰之本意有所未協於國體不無少損恐天下督撫聞之謂孫某之操守尙不免於議罰將來一不得當罰必相隨勢必墮其廉隅預爲日後受罰地步是罰項行而貪風從此起不可不慎也雍正七年孫家淦爲直隸副主考臣爲所取之士不敢避師生之嫌而隱默不言奏上部議革職未半年

上特旨起用爲福建漳州府知府漳俗强悍胥吏千餘交結大府家奴勢力出長官上有吳成者設局誘羣少年淫博聞擊卽竄鎔半夜開門出召徼巡三四輩突入其家擒治之合城歡呼鄉有華對村離縣二百里民納租赴愬皆不便康熙間太守某請設縣丞駐其地督撫批准至銓到已四十餘年尙未入奏詢其故以設官

則胥吏無權故爲所格也再具詳又爲藩司所駁文書不下府而
直行縣錄大怒嚴訊縣胥得其交通狀乃詳請治罪而設縣丞對
村至今父老嘆曰微金公來我輩將奔馳道路死矣乾隆十三年
春閩省旱斗米千錢大府檄平糴鎔計府縣所貯穀止十六萬石
而新穀登場尙早慮其不繼乃先勸富家出糴給印紙令商人赴
糴于豐收處又請寬臺灣米入內地之禁一面開倉出糴而羣穀
畢集民情帖然其他修文廟樂器增書院膏火皆次第舉行前明
燕王之變有漳州陳教授某率諸生六人殉節明倫堂舊祠蕪敗
鎔葺治歲祭以黃石齋先生配享焉十四年遷臺灣道二十一年
補陝西鹽驛道署布接兩司事二十九年調浙江糧道與巡撫熊
學鵬牴牾奏其迂緩不任事以原品休致在家十年而卒年七十
三

小倉山子四人克誠瑞金縣知縣克讓國子監生克俊舉人克

傑國子監生一齋公
家傳

艾子誠甯河艾隣村人父文仲木工也偶與人鬪擊之踣誤以爲死懼而逃雖其妻莫知所往第髣髴傳聞出山海關云逃兩月生子誠文仲不知有子子誠幼鞠於母亦不知有父也迨稍有知識乃問父所在母泣語以故子誠自是惘惘如有失恒絮問其父之年齒狀貌及先世之名字姻婭之姓氏里居亦莫測其意姑一一告之比長或欲妻以女子誠曰烏有父流離而子安處室家者始知其有志尋父以母在不欲遠離耳然文仲久無音耗子誠又生平未出里閭惟力作以養母越二十年母卒營葬畢遂治裝裹糧赴遼東有阻以存亡難定者子誠泣然曰苟相遇生則共返歿則負骨歸苟不相遇願老死道途間不生還矣眾揮涕送之子誠出關後念避罪亡命必潛踪於僻地凡深山窮谷險阻幽隱之處無

不物色久而資斧既竭行乞以餬口凡二十載終無悔心一日於馬家城山中遇老父哀其窮餓呼與語詢得其故爲之感泣引至家款以酒食俄有梓人攜具入計其年與父相等子誠心動諦審其貌與母所說畧同因率裾泣述父出亡年月並縷述家世及親黨翼其或是梓人駭且悲似欲相認而疑其在家未有子子誠具陳始末乃歎然相持哭盡文仲輾轉逃避乃至是地已閱四十餘年又變姓名爲王友義故尋訪無迹至是始相遇也老父感其孝爲謀歸計而文仲流落久多逋欠滯不能行子誠踉蹌歸質田宅貸親黨得百金以往竟奉父歸年七十以壽終子誠得父之後始娶妻有四子皆勤儉能治生

紀昀艾孝子傳

劉文燦字公著通州人文燦年十五補諸生屢應鄉試不第家有田在靜海縣之木廠雍正九年靜海大祲村男婦衣食俱盡時直

隸總督顧琮勘災至木廠文燦請以田所獲七百餘斛賑附近村落飢民活者數百人故事士民捐賑近三百石者授七品散官總督將疏文燦名文燦固辭琮重之每歲秋赴木廠收獲道經天津偶於逆旅聞隣家哭甚哀詢之逆旅主人曰是家有積逋將鬻女青樓得百金以償明日卽書約矣文燦曰以貧故而爲娼吾不忍其喪節也出百金市之攜歸令爲僕張德妻其拯危救困諸義舉類如此子二頃諸生均舉人官陝西三水知縣孫錫信通州高志錫信榜名錫侯字桐村幼穎悟讀書目下數行及長博極羣書淹通史傳尤長於考據之學乾隆三十年舉人屢上公車不售出宰山左卽墨有政聲旋援例補戶部湖廣司員外郎趨公之暇猶日事丹黃著潞城考古錄三卷訂異參同足備文獻之缺舊志多所採擇又有歷代諱名考煮石山房存稿菱溪筆記等書著作極富考核

精詳生平不務聲華深自韜晦窮達一委之命而其耄年嗜學尤人所罕及朱先生筠器之稱為北方第一學者他如程晉芳李文藻諸名流咸相推重嘗取諸史地理志參稽史傳旁徵金石文字及古今水道地輿諸書訂其訛舛仿宋王伯厚漢藝文志考證之例作歷代史地理志考證卷帙浩繁迄未卒業至今惜之卒年七十餘吉光片羽人多珍藏焉

通州高志

何琇字君琢號勵菴宛平人雍正十一年進士宗人府主事

幾輔詩傳

三十

宦途坎坷貧病以終著有樵香小記多考証經史疑義

閱微草堂

筆記

凡一百二十條論經義者居其半亦頗及字學韻學其論六書

頗與舊說異同如謂禿字當從禾會意說文謂人伏禾下固屬謬妄即六書正譌改爲從禾諧聲亦非確論謂說文訓爲字爲母猴本末倒置當是先有爲字乃借以名猴謂射字從身從寸爲箝文

象手持弓形之譌其說皆獨創立其解春秋西狩獲麟解周禮奔者不禁解詩野有死麕亦時能發先儒所未發其學問大旨蓋出入於閻若璩顧炎武朱彝尊毛奇齡諸家故多衍其緒論云

四庫全

書提要

爲詩頗喜陸放翁

閱微草堂筆記

華陽吳祖椿校